

Sarajevo, 24.4.2018

Broj: 0203-22286

Na osnovu člana 70. Zakona o javnim nabavkama („Službeni glasnik BiH“, broj 39/14), člana 48. Statuta KCUS-a (Sl.novine FBiH br. 73/13), člana 21. Pravilnika o javnim nabavkama Kliničkog centra Univerziteta u Sarajevu (br.0202-14544/17) na prijedlog Komisije za javnu nabavku Izvještaj br. 0305-21412 od 18.04.2018. godine, Generalna direktorica donosi:

ODLUKU

o izboru najpovoljnijeg ponuđača
za nabavku i isporuku aparata za molekularnu mikrobiološku dijagnostiku
za potrebe OJ Klinička mikrobiologija

I

Prihvata se prijedlog Komisije za javnu nabavku, Izvještaj br. 0305-21412 od 18.04.2018. godine za nabavku i isporuku aparata za molekularnu mikrobiološku dijagnostiku za potrebe OJ Klinička mikrobiologija (COBAS 4800 SISTEM) nakon provedenog otvorenog postupka i ugovor se dodjeljuje ponuđaču **FARMAVITA d.o.o Sarajevo** sa slijedećim elementima:

Cijena: 124.855,00 KM + PDV 21.225,35 KM = 146.080,35 KM sa PDV-om

Uslovi plaćanja: Plaćanje odgođeno do 60 dana, a nakon puštanju u rad i obostranog potpisivanja Zapisnika o primopredaji opreme, te ispostavljanju fakture. Zapisnik o primopredaji je sastavni dio fakture i bez njega faktura neće biti plaćena.

Rok isporuke, montaže i puštanja u rad opreme: maksimalno 3 mjeseca od dana izdavanja narudžbenice od strane Ugovornog organa

Garantni rok za opremu: minimalno 12 mjeseci i teče od dana isporuke, montaže, puštanja u rad i potpisivanja Zapisnika o primopredaji opreme

II

Izabrani ponuđač dužan je u roku od 5 (pet) dana od dana prijema ove Odluke, dostaviti original ili ovjerene kopije dokaza tražene tačkom 4.1 Tenderske dokumentacije, u skladu sa dostavljenom Izjavom ponuđača, ne stariji od 3 mjeseca računajući od momenta predaje ponude.

III

Ova Odluka stupa na snagu danom donošenja i objaviće se na web stranici KCUS-a putem web stranice Kantona Sarajevo istovremeno sa dostavljanjem ponuđaču učesniku u postupku javne nabavke.

OBRAZLOŽENJE

Na osnovu Odluke o pokretanju postupka javne nabavke br.0203-13904 od 09.03.2018. godine sa procijenjenom vrijednosti nabavke u iznosu od 125.000,00 KM bez PDV-a, Klinički centar Univerziteta u Sarajevu je 12.03.2018. godine objavio Obavještenje o nabavci broj: 893-1-1-172-3-64/18 na portalu e-Nabavke zajedno sa tenderskom dokumentacijom za nabavku i isporuku aparata za molekularnu mikrobiološku dijagnostiku za potrebe OJ Klinička mikrobiologija putem otvorenog postupka.

Tendersku dokumentaciju preuzelo je 17 (sedamnaest) ponuđača, a do krajnjeg roka određenog za prijem ponuda, 11.04.2018 godine, dostavljene su 3 (tri) ponude sa cijenama:

1. FARMAVITA d.o.o Sarajevo	124.855,00 bez PDV-a
2. HERCEGOVINALIJEK d.o.o. Mostar	106.000,00 bez PDV-a
3. BIOMEDICA d.o.o Sarajevo	112.424,00 bez PDV-a

Komisija imenovana Odlukom broj: 0203-18167 od 02.04.2018.godine pristupila je provjeri dokumentacije dostavljene uz ponudu i na osnovu detaljne analize Komisija je konstatovala da su sve ponude ponuđača formalno pravno ispravne, te pristupila provjeri tehničkih zahtjeva (aneks3) i katoloških prospekata dostavljenih uz ponudu i konstatovala slijedeće:

Ponuda ponuđača HERCEGOVINALIJEK d.o.o. Mostar ne ispunjava tehničke zahtjeve postavljene tenderskom dokumentacijom, te je neprihvatljiva i ne može biti predmet vrednovanja, a iz slijedećih razloga:

- za stavku kojom je traženo „Podržava testiranje: HIV, HBV, HCV, HCV genotip, CT/NG, HPV, HSV1 i HSV2, MRSA/Staphylococcus aureus, Clostridium difficile, CMV kroz automatsku ekstrakciju nukleinskih kiselina pripremu PCR reakcije i real time PCR analizu“ **nije priložen dokaz da sistem podržava testiranje za: MRSA/Staphylococcus aureus i Clostridium difficile**
- za stavku kojom je traženo „Testiranje BRAF, KRAS, EGFR mutacija (izvodivo na rt PCR instrumentu kao dijelu sistema/konfiguracije koja se potražuje, na kom se izvodi i detekcija mikrobioloških targeta navedenih u prethodnoj tački. Testovi validirani za analizu na rtPCR instrumentu koji se potražuje ovom nabavkom trebaju biti CE-IVD. Instrument podržava EGFR mutacijski test sa kojim se vrši testiranje uzorka DNA dobijenog ekstrakcijom iz uzorka tkiva utopljenog u parafin i uzorka plazme (ekstrakcijski kitovi trebaju biti kompatibilni sa amplifikacijskim/detekcijskim kitom)“ **nije priložen dokaz da sistem podržava testiranje za: BRAF i EGFR mutacije**
- za stavku kojom je traženo „KRAS, NRAS/BRAF, KRAS/NRAS“ **nije priložen dokaz da sistem podržava testiranje za: NRAS/BRAF i KRAS/NRAS mutacije**
- za stavku kojom je traženo „Bordetella pertussis i parapertussis, RSV, Francisella tularensis, Mycoplasma genitalium/hominis i Ureaplasma, Mycoplasma pneumoniae, Borrelia spp, Influenca virus, Epstein-Barr Virus, Adenovirus, Dengue virus 1-4, HSV- 1/2 +VZV, HHV6, HHV8, Parvovirus B19, Polyomavirus JC i BK, West Nile virus, Toxoplasma gondii, Pneumocistis jirovecii“ **nije priložen dokaz da sistem podržava testiranje za: Bordetella pertussis i parapertussis, RSV, Francisella tularensis, Mycoplasma genitalium/hominis i Ureaplasma, Mycoplasma pneumoniae, Borrelia spp, Influenca virus, Adenovirus, Dengue virus 1-4, HHV6, HHV8, Polyomavirus JC i BK, West Nile virus, Toxoplasma gondii i Pneumocistis jirovecii**

Ponuda ponuđača BIOMEDICA d.o.o. Sarajevo ne ispunjava tehničke zahtjeve postavljene tenderskom dokumentacijom, te je neprihvatljiva i ne može biti predmet vrednovanja, a iz slijedećih razloga:

- za stavku kojom je traženo „Ploča kapaciteta 96 reakcija“ **ponuđač je napisao NE- aparat obrađuje pojedinačne uzorke (format monotestova) što nije u skladu da tenderskim zahtjevom**
- za stavku kojom je traženo „Podržava testiranje: HIV, HBV, HCV, HCV genotip, CT/NG, HPV, HSV1 i HSV2, MRSA/Staphylococcus aureus, Clostridium difficile, CMV kroz automatsku ekstrakciju nukleinskih kiselina pripremu PCR reakcije i real time PCR analizu“ **nije priložen dokaz da sistem podržava testiranje za: HBV, HCV genotip, HSV1, HSV2, CMV**
- za stavku kojom je traženo „Testiranje BRAF, KRAS, EGFR mutacija (izvodivo na rt PCR instrumentu kao dijelu sistema/konfiguracije koja se potražuje, na kom se izvodi i detekcija mikrobioloških targeta navedenih u prethodnoj tački. Testovi validirani za analizu na rtPCR instrumentu koji se potražuje ovom nabavkom trebaju biti CE-IVD. Instrument podržava EGFR mutacijski test sa kojim se vrši testiranje uzorka DNA dobijenog ekstrakcijom iz uzorka tkiva utopljenog u parafin i uzorka plazme (ekstrakcijski kitovi trebaju biti kompatibilni sa amplifikacijskim/detekcijskim kitom)“ **Ponuđač je u**

svojoj ponudi naveo DA kao potvrdu tehničke karakteristike, ali nije priložio dokaz i komisija ne može potvrditi tačnost tog navoda DA

- za stavku kojom je traženo „KRAS, NRAS/BRAF, KRAS/NRAS“ **Ponudač je u svojoj ponudi naveo DA kao potvrdu tehničke karakteristike, ali nije priložio dokaz i komisija ne može potvrditi tačnost tog navoda DA**
- za stavku kojom je traženo „Aparat treba da pruža mogućnost izvođenja laboratorijskih analiza definisanih korisnikom neovisno od osnovnog spektra analiza. Instaliran od strane proizvođača prije prve primjene.“ **ponudač u ponudi nije ispunio potvrdu tehničkih karakteristika (DA/NE) i nije priložio dokaz**
- za stavku kojom je traženo „Bordetella pertussis i parapertussis, RSV, Francisella tularensis, Mycoplasma genitalium/hominis i Ureaplasma, Mycoplasma pneumoniae, Borrelia spp, Influenza virus, Epstein-Barr Virus, Adenovirus, Dengue virus 1-4, HSV- 1/2 +VZV, HHV6, HHV8, Parvovirus B19, Polyomavirus JC i BK, West Nile virus, Toxoplasma gondii, Pneumocistis jirovecii“ **ponudač je sam naveo da ponuđeni aparat ne ispunjava ovaj predmetni zahtjev tj stavio je NE**

Nadalje, **ponuda ponuđača FARMAVITA d.o.o Sarajevo ispunjava sve tehničke zahtjeve postavljene tenderskom dokumentacijom i okviru je osiguranih sredstava, te je prihvatljiva i može biti predmet vrednovanja.**

Obzirom da je za predmetni postupak javne nabavke samo jedna prihvatljiva ponuda E-aukcija se ne može zakazati na osnovu člana 3. tačke 3 Pravilnika o uslovima i načinu korištenja e-aukcije (Službeni glasnik BiH 66/16), tako da se postupak okončava u skladu sa članom 69. ZJN.

Cijeneći ponudu kvalifikovanog ponuđača po kriteriju najniža cijena, Komisija je dala prijedlog, Izvještaj br. 0305-21412 od 18.04.2018. godine, da se za nabavku i isporuku aparata za molekularnu mikrobiološku dijagnostiku za potrebe OJ Klinička mikrobiologija (COBAS 4800 SISTEM), donese odluka o izboru najpovoljnijeg ponuđača i ugovor dodjeli ponuđaču FARMAVITA d.o.o Sarajevo, čija je ponuda ocijenjena kao prihvatljiva/najpovoljnija po cijeni od 124.855,00 KM bez PDV-a.

Prijedlog Komisije je prihvaćen i donijeta je odluka kao u dispozitivu.


GENERALNA DIREKTORICA
Prof.dr. Sebilja Izetbegović

POUKA O PRAVNOM LIJEKU: Protiv ove Odluke može se izjaviti žalba, najkasnije u roku od 10 (deset) dana od dana prijema Odluke. Žalba se izjavljuje Uredu za razmatranje žalbi BiH putem ugovornog organa u pisanoj formi i u dovoljnom broju primjeraka, a koji ne može biti manji od tri.

Dostaviti:
- Ponuđaču;
- Tehnički sektor
- a/a KCUS